

Hoz es il Di dal mar



GÜN

text: Chattrina Josty, illustraziun: Yvonne Gienal,
grafica: Theres Jörgler, fotografia: Jörgler-Staubs
zambregida hat: Flurin Veraguth
© Lia Rumantscha

KIDSFITSCHE
Lia Rumantscha



 Schweizerische Eidgenossenschaft
Confédération suisse
Confederazione Svizzera
Confederaziun svizra
Uffiz federal da cultura UFC

Il Di dal mar

Nos planet, la Terra, vain eir nomnà «il planet blau». Vis da dalöntschi, per exaimpel giò da la glüna, es nos planet per gronda part blau – pervi dal mar. Sün nos muond es daplü surfatscha cuvernada cun aua co cun terra. Il mar es enorm important per nus umans e per las bes-chas. Perquai sto il mar gnir protet. Per far attent a quist fat han las Naziuns Unidas decis da festagiar il Di internaziunal dal mar. Minch'on daja ün motto, i vegnan fats films ed organisadas acziuns per cha'ls umans possan imprendere daplü davart il mar.

Chenüna es la plü gronda bes-cha chi viva aint il mar?

La balena blava es la plü gronda bes-cha dal mar e la plü gronda bes-cha insomma. Ella vegn fin 33 meters gronda e paisa fin 160 tonnas. Ella es dimena uschè lunga sco 3 autos da posta e paisa tant sco 30 elefants! Ed ella maglia enorm bler: mincha di maglia ella milliuns crils (üna spezcha da giamberins) e displaschaivelmaing eir adüna daplü rument sco per exaimpel butiglias e sachs da plastica.



Che sast tü sur dal mar? Quia ün pèr dumondas cun resposta:

Co vegn il sal aint il mar? Scha tü est fingià statta o stat al mar, sast cha l'aua gusta sco l'aua da spaghets! Ils flüms chi mainan l'aua aint il mar, vegnan da las muntognas. Sün lur viadi lavan els il sal our da la crappa. Uschea as ramassa üna pruna sal e perquai gusta l'aua da sal. Specialmaing bler sal daja aint il Mar Mort in Israel, in Jordania ed in Cisjordania. Là as poja giaschair in rain süll'aua e leger ün cudeschs sainza sfuondrar.

Est tü statta üna jada al mar?


Hast plü jent rivas cun crappa o cun sablun?



Co vegn il plastic aint il mar?
La gronda part dal plastic riva aint
il mar culs flüms. Ma eir dals gronds
bastimaints vain il rument simpla-
maing büttà aint in l'aua. O cha la
glieud lascha inavo la rüzcha a
las rivas. Quai es trist. Impustüt per
las bes-chas. Ellas crajan cha'l
plastic saja alch da magliar e tra-
vuondan il rument.



Ingio es il punct il plü profund dal
mar?
Il Foss da las Mariannas aint il Pacific
vala sco il punct il plü profund dal
mar. In quel lö vaja 11'934 meters illa
profundità. Scha'l foss füss üna
muntogna, füss quella ün toc plü ota
co'l Mount Everest, la muntogna la
plü ota dal muond.

Ingio noudast il plü
jent? Aint il mar,
in ün lai o i'l bogn
avert?



Hast fingià chattà
coquiglias a
la riva dal mar?

Che bes-chas
hast tü vis aint
il mar?




Co pudessast
tü proteger il mar?

Flöz

1

Tü douvrast:

- 2 butiglias da PET
- ün pêr romins
- 3 bindels elastics fermes
- corda
- palperi
- fieuters o culurs
- colla



Uffizi federal da cultura UFC


Schweizerische Eidgenossenschaft
Confédération suisse
Confederazione Svizzera
Confederaziun svizra



text: Chatriina Josty, illustraziun: Yvonne Giemel,
grafica: Theres Jörgler, fotografia: Jörgler-Stauss
zarinregia hat: Flurin Veraguth
© Lia Rumantscha

KIDSFITSCHE
Lia Rumantscha

- 1 Ramassa ün pêr romins pel flöz. Tils lia insembel cun üna corda.
- 2 Piglia duos butiglias da PET vödas e tira suravia ün bindè elastic, per ch'ellas tegnan insembel.



1



3




- 3 Metta il flöz da lain süllas butiglias e tira amo ün oter bindè elastic sur tuot via.
- 4 Uossa dovrast amo ün romin ün pa plü lung. Landervia poust fixar üna binderina da palperi. Co guard'oura tia bindera? L'alber culla bindera poust francar, chatschond ella tanter duos romins dal flöz e las butiglias da PET.

2



4





Scha tü laschast nodar teis flöz sün
ün lai o ün flüm, til sgüra cun üna
corda lunga cha tü tegnast in man.

